


TERTIA
MUSCULO-
RUM TA-
BULA.



TERTIAE MUSCULORUM TA-
BULAE CHARACTERVM INDEX.

- P R A E S E N S** tabula anteriorem corporis faciem exprimens, in hoc à prima musculorum tabula differt, quòd musculos ex carnosâ membrana constitutos, & aliquot etiam faciei musculos ab adipe liberatos commonstret, quodq; magis ad musculorum disciplinam, quàm priores duæ, sit comparata.
- A** Recta secundum frontem ducta linea, frontis & narium cutis musculum notant.
- B** Temporalis musculus, ubi interdum, sed perquam raro, carnea membrana fibris etiam carneis emutitur.
- C** Musculus palpebram attollens.
- D** Musculus palpebram deorsum trahens.
- E** Mutuus palpebrae musculorum secundum palpebrae longitudinem connexus.
- F** Musculus media sui parte nasi alam, altero uero superius labrum petens. Quemadmodum sane uarium musculorum fibrarum in labijs implexum indicare non licuit, ita quoq; characterum copia faciem alioquin satis obscuram non sum occupaturus.
- G** Malum, ac iugalis ossis anterior sedes, quæ prorsus excarnia sunt.
- H** Musculus à malis pronatus, & superiori labro proprius.
- I** Masseteris musculi principium, lato quem iam describam, musculo non obiectum.
- L** Musculus carnosâ constans membrana, & præcipuus buccarum labiorumq; & anterioris colli cutis motuum dux, qui hic corpori in utroq; latere hæret, reliqua carnosæ membranae parte, quæ carnea non efficitur, à corpore resecta. Quod autem ad præsentis musculi fibrarum progressum
- K, L.** attinet, **K** ad **L** usq; musculi principium notat, è regione ossis pectoris, ac mediæ clauiculæ secundum ossis pectoris proximam incipiens, cuius fibræ recto tramite sursum ad **M** exporriguntur. Ab
- N.** L uero ad **N**, principij pars notatur, è regione reliquæ sedis, clauiculæ & summi humeri sede incipiens, cuius fibræ oblique sursum in anteriora porriguntur. Deinde et si ea musculi pars non
- O.** sese spectandum offerat, quæ in posteriori ceruicis sede consistit, nihilominus **O** ad auris radicem positum, transuersas fibras illinc prorepentes utcumq; ostendit. Quare etiam in musculi lateribus describendis, primū latus tibi fingendum est ab **N** ad **O**, secundum ab **O** ad **H. K** uero per **L** ad **N**, tertium indicabit latus. **A K** autem ad **M** quartum habes latus. Intensus enim nigricans linea, à **K** ad **M** ducta, dextri musculi cum sinistro interstitij loco habenda est.
- P** Brachium attollens musculus, quem hic in anteriore corporis facie **L, N** et **Q** propemodum
- Q.** circumscribunt, is enim inferius, quàm **Q** consistat, sua insertione prorepat.
- Δ** Musculus brachium pectori adducens, qui in sequenti tabula simul hic uenit inspicendus, ibidem namq; ab initijs liberatus, Δ perinde notatur, ijsdemq; fere characteribus inibi atq; hic ita circumscribitur. **K** ad **L** usq; principij ipsius pars, à clauicula principium ducens. **K** uero ad **R**
- R.** principij pars est, ex media latitudine ossis pectoris pronata. Quinetiam **R** notat musculi membranam partem, quæ ad mucronatæ cartilaginis latus, oblique descendens musculi abdominis
- S.** neruosa tenuitati exporrigitur. **S** autem significat carneam musculi partem, à sextæ & septimæ costarum cartilaginibus, propter oblique descendentem abdominis musculum peculiariter pronatam. **Q** præsentis musculi insertionis index est, qua inter brachium attollentem (qui **P** notatur) & priorem cubitum flectentium **Z** indicandum, in humerum inseritur. Porro si latera ipsius, & fibrarum insertionem intueri animus sit, sequentem etiam inspicito tabulam, quæ præ-
- T.** sentis musculi insertionem, **Q** & **T** notatam exhibet, quo ad hunc modum huius illiusq; tabularum characteribus simul iunctis, quinque musculi latera metiaris. Primum à **K** ad **L**. Secundum à **K** ad **R**. Tertium ab **L** ad **Q**. Quartum ab **R** ad **T**, quod subsequens ostendit tabula, in præsentem interim lata musculi insertionem occultata. Atq; hinc etiam quintū quoq; latus, à **Q** ad **T** pertinens, in quarta tabula duntaxat est conspicuum.
- V** Musculus brachium deorsum trahens.
- 5, 6, 7, 8** His numeris, insertiones musculi thoracem mouentium secundi notantur, quæ costis inferuntur, quarum regio quum his numeris exprimitur, elatissimam insertionem in quintam fieri costam promptè colligis.
- Θ** Abdomitis musculus oblique descendens, qui cum suo conunge uniuersam abdominis sedem cooperit